

Dayigə tɔnɔ kʊlʊ Pooli na pʊpʊnti o pa

TESALONIKI TIINƏ tɪn

Dayigə tɔnɔ kʊlʊ Pooli na pʊpʊnti o pa Tesaloniki

tiinə tɪn na bri dɪbam kʊlʊ tɪn mu tɪntʊ

Tesaloniki ya yɪ Mastɔvanti pa-tɪv mu. Maŋa kam Pooli na nuŋi Filipi nɪ tɪn, o ve dʌant mu o puli Wɛ tɪtʊŋa yam. Kʊ nan wʊ daant, yɪ kʊ ba kʊ ji fiɪvɔn sɪ o duri o nuŋi Tesaloniki nɪ, Zwifə badaara na jɪgti wʊ-gʊv dɪd-o tɪn ŋwaant (Tɪtʊŋa Tɔnɔ 17:1-10).

Kʊ kwaga nɪ, Pooli na wʊ Korɛnti nɪ tɪn, Timoti wʊlʊ na tɔgti dɪd-o o tʊŋɪ Wɛ tɪtʊŋa tɪn tu o te, yɪ o bri-o Wɛ nɔɔna balʊ na wʊ Tesaloniki tɪn labaart na yɪ te tɪn. Kʊntʊ mu Pooli pʊpʊnti o dayigə tɔnɔ kʊm o pa-ba.

Pooli dɛ yigə o kɪ Wɛ le mu, o na ni nɪ ba ta jɪgti wʊ-dɪdʊa dɪ Zezi yɪ ba jɪgti da-sono tɪn ŋwaant (pɔɔrɪm 1).

O laan ma guli-ba o na tʊŋɪ ba tɪtari nɪ te tɪn, dɪ o na lagt sɪ o joori o na-ba te tɪn (pɔɔrɪm 2-3).

O ma pa ba na baart sɪ ba taa ve yigə Wɛ cwəŋə kam wʊnti dɪ wʊ-poŋo (4:1-12).

O daart o ləri bwiə yalʊ ba na bwe-o twa biim laŋa nɪ, dɪ Zezi na wʊ joori o ba dɪ paart-zulə te tɪn laŋa nɪ dɪ (4:13—5:11).

O ta ma kwe-ba dɪ kwia yadaara o ma guri o tɔnɔ kʊm (5:12-28).

Tɔnɔ kʊntʊ zəni balʊ maama na liə lʊgv tiim ŋwaant tɪn mu. Kʊ bri nɪ Wɛ nɔɔna maŋɪ sɪ ba kɪ ba wʊ-dɪdʊa mu dɪ Wɛ, sɪ ba daart ba taa ve yigə ba tʊŋɪ dɪ wʊ-zuru sɪ ba taa cəgi Zezi tum dɪm.

¹ Amʊ Pooli dɪdaant Silast dɪ Timoti mu pʊpʊnti tɔnɔ kʊntʊ sɪ dɪ pa abam Wɛ nɔɔna balʊ na wʊ Tesaloniki

ni yi á yi dí Ko Baŋa-WE di dí Yuutu Zezi Kriŋi nɔɔna tɪn.

WE wó pa abam yazurə di yu-yoŋo.

Tesaloniki tiina na tɔŋi WE te tɪn

² Maŋa maama dí yəni dí kɪ WE le mʊ abam maama ŋwaantɪ, yi dí kwəri dí loori-Dɪ dí pa abam. ³ Dí na wʊ dí Ko WE yigə ni, dí yəni dí guli abam na kɪ á wʊ-dɪdʊa di Zezi Kriŋi yi kʊ pa á tʊŋɪ lanyɪrɪntɪ te tɪn mʊ, dí guli abam sono kʊm na pa á tiini á tʊŋɪ te tɪn. Á na jɪŋtɪ tɪna di dí Yuutu Zezi Kriŋi tɪn mʊ pa á zɪŋtɪ kəŋkəŋ.

⁴ Dí ko-biə-ba, dí ye ni WE mʊ soe abam yi Dɪ kuri abam sɪ á taá yi Dɪ nɔɔna. ⁵ BEŋwaantɪ, dɪbam dɛɛn na tu dí tɔɔɪ WE kwər-ywəŋə kam dí brɪ abam tɪn, kʊ daɪ di ni-taantɪ má. WE dam dɪm mʊ wʊ dɪbam tee ni di Dɪ Joro kʊm, yi dí brɪ WE cɪga kam di dí wʊ maama. Dɪbam dɛɛn na wʊ á tee ni tɪn, á nɛ dɪbam na yi tɪte sɪ kʊ ma zəni abam.

⁶ Abam lwəni dɪbam di dí Yuutu wʊm na kɪ te tɪn. Á na joŋi WE kwər-ywəŋə kam tɪn, kʊ pɛ á na yaara zanzan. Á nan ta joŋi-ka di wʊpolo WE Joro kʊm na zəni abam tɪn ŋwaantɪ. ⁷ Kʊ ma pa á jɪŋtɪ nyɪnyʊŋɔ kʊɪɪ na lamma tɪn, sɪ Zezi nɔɔna balʊ maama na zʊʊrɪ Masɪdʊantɪ tɪntɪ dɪm ni di Akayi tɪntɪ dɪm ni tɪn di lwəni abam. ⁸ BEŋwaantɪ, abam na tɔɔɪ dí Yuutu wʊm kwərə kam á brɪ nɔɔna te tɪn, ka jagɪ Masɪdʊantɪ di Akayi ni ka gaaltɪ ka kɛ ka yi je maama, yi nɔɔna maama lwarɪ á na kɪ á wʊ-dɪdʊa di WE te. Mʊ kʊ kuri kʊ daa daɪ fɪfɪʊn sɪ dí ta kʊɪkʊɪ kantʊ laŋa ni. ⁹ BEŋwaantɪ nɔɔna bam maama tɛ á na jeeri dɪbam lanyɪrɪntɪ te maŋa kalʊ dí na tu abam te tɪn, di á na yagɪ jwəŋə kaantɪm yi á daari á tɔŋi WE, sɪ á laan taá tʊŋɪ á pa WE dɪɪɪ na yi cɪga tu di ŋwɪta tu te tɪn, ¹⁰ yi á kwəri á cəŋi Dɪ Bu wʊm tum dɪm. WE bi-o Dɪ pa o yagɪ tʊʊntɪ mʊ, yi oó zɪŋtɪ WE-sɔŋɔ ni o

ba lvgv baja. Wuntu mv yi Zezi wvsv na wv vrt dıbam WE ban-zvzv kvsv na wv ba ncvna baja nt ba lwarım vwaant tın wvnt.

2

Pooli na wvli Tesaloniki tiınv te tın

¹ Dı ko-bıv-ba, abam tıttı ye lanyırant nt, dı na tu abam te tın, kv dat kafv. ² Abam ye ba na mavı ba bevst dıbam yi ba twı dıbam te Filipı nt yi dı laan ba abam te tın. Ncvna devn kwaant st ba ct dıbam cvvzv. Nan dt kv dt, dı Tu WE pv dıbam pu-dıa st dı tvvlt Dı kvv-yvzv kam dı brı abam dt baart. ³ Kviyv yalv dı na yvni dı kve abam tın, kv dat dt tusim, naa dı jıgtı wvsvv-balvaarv mv. Kv nan dat swan mv dı kvıa, st dı ma dı gant abam. ⁴ Awo. Dıbam yvni dı vcvnt nt WE na lagı te tın mv, bevvaant dıntv mv kuri dıbam yi Dı kve Dı kvv-yvzv kam Dı kv dı jıva nt. Dıbam na vcvnt te tın, kv dat st dı ma dı poli nabiınv wvsv, kv yi st dı pa WE dılv na mavı dıbam bıcara Dı nii tın wv mv poli. ⁵ Á ye lanyırant nt dı wv tu dı vcvnt ni-svvtı vvaava dt abam. Dı nan wv vcvnt bıtar-kamunv st dı ma pri ncvna swan, st dı jvni wvnu ba tee nt. WE ye nt dıbam na tagı kvsv tın yi cvga mv. ⁶ Kv na yi abam naa ncvnv wvsv maama dt, dı wv kv dı wvsvva nt st nabiınv taa zuli dıbam.

⁷ Dı na yi Zezi Krisi tıntvva tın, dı ya jıgtı cvvzv st dı pa á taá nii dıbam nt ncv-kamunv te. Dı nan wv kv kvntv. Dı devn tu dı tıttı mv nt bıv te, yi dı laan nii abam lanyırant nt kaant na jıgtı o bıv o nii te tın. ⁸ Dı na tiini dı soe abam tın, dı sv st dı kve WE kvv-yvzv kam dı mavı dı brı abam, yi dı kve dı vva maama dt mv dı wvli da dı pa abam, á na tiini á tıgi dı wvsvva nt tın vvaant.

⁹ Dí ko-biə-ba, abam wó want á guli dɪbam dɛɛn na tʊŋɪ dí bwəni zanzan abam ŋwaant te maŋa kalu dí na wura dí tɔɔli Wɛ kwər-ywəŋə kam dí brɪ abam tɪn. Dí dɛɛn ba lagɪ sɪ dí yaart abam dɪ fɪnfɪtɪn dɪ. Kuntʊ ŋwaant mu dí ta yəni dí tiini dí tʊŋɪ wɪa dɪ tɪtɪ maama sɪ dí ma na dí ni-wɔdiu. ¹⁰ Dí dɛɛn tɔɔɪ cwəŋə mu dɪ wɔ-pɔŋo abam balu na sɛ Zezi Krisi tɪn tɪtari nɪ, yɪ dí tɪtʊŋa maama jɪɔɪ cɪga, yɪ dí wɔ jaant kɔlɔkɔlɔ dí cɔɔɪ. Abam wó want á ta nɪ kɔ yɪ cɪga mu. Wɛ dɪ nan ye nɪ kɔ yɪ cɪga mu. ¹¹ Á ye nɪ dí dɛɛn jɪɔɪ abam maama dɪ jɪ sɪle mu, nɪ ko na yəni o jɪɔɪ o biə te tɪn. ¹² Dí kwe abam dɪ kwɪə yalɔ na paɪ á bɪcara zurə tɪn mu. Dí ma daart dí tiini dí kaant abam, sɪ á taá tɔɔɪ Wɛ cwəŋə sɪ kɔ maŋɪ dɪ Wɛ na lagɪ te tɪn. Bɛŋwaant Wɛ mu kuri abam sɪ á zɔ Dɪ paart dɪm wɔ sɪ á na paart-zulə Dɪ tee nɪ.

¹³ Dí na jaant Wɛ kwər-ywəŋə kam dí ba dí tɔɔli dí brɪ abam tɪn, á sɛ yɪ á jɔŋi-ka lanytrant. Kuntʊ ŋwaant mu dí kɪ Wɛ le maŋa maama abam ŋwaant. Á sɛ nɪ kɔ yɪ Wɛ kwərə mu sɪ kɔ dat nabiinə nyɪm. Kɔ yɪ cɪga, kwər-ywəŋə kam sɪntɪ ka yɪ Wɛ kwərə mu, yɪ ka zəni abam balu na sɛ Zezi tɪn wɔbʊŋa dɪ dam.

¹⁴ Dí ko-biə-ba, abam na nɛ yaara yalɔ tɪn, Zezi kɔɔɔ kɔlɔ na wɔ Zude tɪntɪ dɪm nɪ tɪn dɪ nɛ yaara yantʊ doŋ mu. Abam dwi tiinə bam yaart abam nɪnɛɛnt Zwifə bam dɪ na yaart Zwifə balu na sɛ Zezi te tɪn mu. ¹⁵ Kɔ nan yɪ Zwifə bam kuntʊ mu gɔ dí Yuutu Zezi dɪ faŋa faŋa Wɛ nijɔŋnə bam, yɪ ba kwəri ba bɛɛst dɪbam dɪ. Ba maa paɪ Wɛ wɔ cɔɔɪ dɪ ba, yɪ ba yɪ nɔɔna maama dɔna. ¹⁶ Ba dɛɛn kwaant sɪ ba cɪ dɪbam, sɪ dí yɪ tɔɔli Wɛ kwərə kam dí brɪ dwi-gɛ tiinə sɪ ba na vrɪm ba lwarɪm wɔnt. Ba na vɪn Wɛ kwərə kam kuntʊ tɪn, kɔ ma pa ba na kɪ

kəm-balwaarv tlv maŋa maama tlv fɔgɪ tɪ wəli da. Wɛ ban-zɔŋɔ kʊm laan nan tu ba baŋa.

Pooli na lagɪ sɪ o joori o na Tesaloniki tiinə bam te tlv

¹⁷ Dɪ ko-biə-ba, dɪ na pɔɔrɪ dɪ abam maŋa funfɪn yrant tlv, kʊ dat nɪ dɪ wʊbʊŋa mʊ pɔɔrɪ daant, kʊ yɪ dɪ yiə na wart ya na daant tlv mʊ. Abam fra tiini ya jɪgɪ dɪbam, yɪ dɪ kwaant sɪ dɪ joori dɪ na abam. ¹⁸ Dɪ ma lagɪ sɪ dɪ ba abam te. Amʊ Pooli ya kwaant sɪ a ba abam te, kʊ dat kuni bɪdwi yrant. Kʊ nan yɪ sʊtaant mʊ cɪgɪ dɪbam. ¹⁹ Kʊ yɪ abam wʊbʊŋa mʊ tiini ya jɪgɪ dɪbam. Kʊ yɪ abam ŋwaant mʊ dɪ jɪgɪ tɪna Wɛ tee nɪ dɪ wʊpolo. Dɪ Yuutu Zezi na joori o ba, dɪ wʊ taa jɪgɪ wʊpolo dɪ na wʊ want dɪ brɪ nɪ abam dɛ dɪbam jɪŋa á na vrɪm tlv ŋwaant. ²⁰ Kʊ yɪ cɪga mʊ, abam mʊ sɪntɪ á paɪ dɪbam na zulə dɪ wʊpolo.

3

¹⁻² Dɪbam na wart sɪ dɪ na daant yɪ abam fra tiini ya jɪgɪ dɪbam kʊ ja gaalt tlv mʊ pɛ dɪbam lɪ wʊbʊŋa sɪ dɪ tʊŋɪ dɪ ko-bu Timoti sɪ o ba abam te, sɪ dɪbam tɪtɪ daart dɪ maŋɪ Atɛɛnɪ nɪ. Wʊntʊ mʊ yɪ wʊlv na tɔgɪ dɪ dɪbam o tʊŋɪ Wɛ tɪtʊŋa yam yɪ o tɔɔlɪ Zezi Krisi kwərywəŋə kam tlv. Dɪ tʊŋ-o abam tee nɪ sɪ o ba o wəli abam, sɪ á na dam dɪ baart á taá tɔgɪ Zezi dɪ á wʊ maama, ³ sɪ yaara yalʊ á na nɛ tlv yɪ pa á wʊlvwʊlv joori kwaga. Abam tɪtɪ maŋɪ á ye nɪ dɪbam maŋɪ sɪ dɪ na yaara yam kʊntʊ doŋ mʊ. ⁴ Dɪbam dɛɛn ta na wʊ abam tee nɪ maŋa kalʊ tlv, dɪ maŋɪ dɪ ta dɪ brɪ abam nɪ nɔɔna wʊ bɛɛstɪ dɪbam. Kʊ nan sɪntɪ kʊ kɪ nɪ abam na maŋɪ á ye kʊ ni nɪ te tlv. ⁵ Abam liə na tiini ya jɪgɪ-nɪ tlv mʊ pɛ a tʊŋɪ Timoti abam tee nɪ, sɪ o ba o nii á daa ta tɔgɪ Zezi dɪ á wʊ maama na, a na kwart fʊvntɪ sɪ sʊtaant wʊ zɪgɪ dɪ ba

dí gant abam st á ywəri WE cwəŋə nt st kv pa dí tttuŋa yam maama ji kafē ttn ŋwaant.

⁶ Lele kʊntʊ, Timoti laan joori o ba dɪbam te, yɪ o pa dí wʊbʊŋa pəni tɪga nt. O tagɪ o wɪ, á ta tɔgɪ Zezi dɪ á wʊ maama dɪ sono. O daa ta tagɪ o wɪ, á tiini á jɪgɪ dɪbam wʊbʊŋa dɪ wʊpolo, yɪ á lagɪ st á na dɪbam nt dɪbam dɪ na lagɪ st dí na abam te ttn.

⁷ Dí ko-biə-ba, dí na ni nt á tɔgɪ Zezi dɪ á wʊ maama ttn, kv pɛ dí bɪcara pəni tɪga nt, yɪ dí na baartɪ dí yaara dɪ dí cana yam maama wʊnt. ⁸ Lele kʊntʊ, dí laan ŋwɪ dɪ wʊpolo á na zɪgɪ kəŋkəŋ dí Yuutu wʊm tɔgɪm dɪm wʊnt ttn ŋwaant. ⁹ Dí bá want dí kt dí Tu WE le dí ti abam ŋwaant, dɪdaant dí na nɛ wʊpolo kʊlv zanzan Dɪ yigə nt abam ŋwaant ttn. ¹⁰ Maŋa maama wɪa dɪ tɪtɪ dí yəni dí loori WE dɪ dí wʊ maama mʊ, st Dɪ pa dí want dí na daant, st dí fɔgɪ dí brɪ kʊlv daa ta na muri abam ttn, st á want á fɔgɪ á taá tɔgɪ Zezi dɪ á wʊ maama.

¹¹ Dí Ko WE dɪ dí Yuutu Zezi nan wʊ pa dɪbam cwəŋə st dí ba dí na abam. ¹² Dí Yuutu wʊm wʊ pa á sono kʊm puli zanzan kv ja gaalt, st á taá soe á donnə dɪ nɔɔna maama lanyɪrant, nt dɪbam dɪ na soe abam te ttn. ¹³ Kʊntʊ, oó pa á bɪcara kt dam, st á taá jɪgɪ wʊ-pɔŋo fastɪ dí Ko WE yigə nt maŋa kalʊ dí Yuutu Zezi na wʊ joori o ba dɪ o kɔgɔ kʊm maama ttn.

4

Dí na wʊ taá yɪ tɪte st kv poli WE wʊ ttn

¹ Dí ko-biə-ba, kʊlv na daart ttn, dí loori abam dí Yuutu Zezi ŋwaant st á da cwəŋə st kv poli WE wʊ. Dí maŋɪ dí brɪ abam cwəŋə kam kʊntʊ, yɪ á tɔgɪ-ka dɪ zɪm maama. Dí nan ta tiini dí loori abam st á kwaant st kv dwəni á na maŋɪ á kt te ttn. ² Abam ye wəənu tɪlv dí na

bri abam yi ti yi dí Yuutu Zezi nyim tin. ³ WE na lagɪ si á taá yi te tin mu tintu: Di lagɪ si á taá jɪgɪ wu-pɔŋo mu Di yigə ni, si á yi taá boorə. ⁴ Abam nɔɔnɔ maama maŋɪ si o lwarɪ, o na wú ja o tɪtɪ te si o ma di o kaant si ku taa jɪgɪ zulə yi digiru təri ku wunt tin. ⁵ Á nan yi pa boorim wubɔŋa want abam, ni nɔɔna balu na yəri WE tin. ⁶ Kadiri laŋa ni, nɔɔn-nɔɔnɔ yi zaŋɪ o ki kulɔ na wú cɔgɪ o ko-bu wu tin, naa o jɔŋi kulɔ na yi o ko-bu nyim tin. Dí maŋɪ dí kaant abam lanyɪrant ni, nɔɔnɔ na ki wo-zɔɔna yantɔ doŋ, dí Yuutu wum wú pa o na cam. ⁷ WE na kuri dɪbam si dí taá tɔgɪ-Di tin, ku dat si dí taá ki wo-zɔɔna. Di nan kuri dɪbam si dí taá jɪgɪ wu-pɔŋo mu Di yigə ni. ⁸ Kuntɔ ŋwaant, nɔɔnɔ wulɔ na vɪn dí na bri kulɔ tin, ku dat nabiinə mu o vɪa, ku yi WE dɪb na ki Di Joro kum abam bicara ni tin mu o vɪa.

⁹ Ku nan na yi á na wú ta soe á ko-biə te tin, ku daa dat fɪfɪtɔn si dí pɔpɔni dí bri abam. WE tɪtɪ maŋɪ Di bri abam á na wú ta soe daant te. ¹⁰ Ku yi cɪga mu, á sɪntɪ á soe á ko-biə balu maama na zɔvɪrɪ Masɪdɔvɪrɪ tɪntɪ dɪm ni tin. Dí ko-biə-ba, dí nan ta loori abam si á tiini á taá soe daant ku dwəni faŋa. ¹¹ Kwaant-na si á taá zɔvɪrɪ daant di wu-zuru. Á taá nii á tɪtɪ baŋa ni. Nɔɔnɔ maama kwaant o tɔŋɪ si o na o ni-wɔdiu, ni dí na maŋɪ dí ta abam te tin. ¹² Kuntɔ mu wú pa balu na dat Zezi kɔgɔ kum nɔɔna tin taa nɪgɪ abam lanyɪrant, yi kub pa á daa bá tɪgɪ nɔɔn-nɔɔnɔ.

Dí Yuutu wum na wú joori o ba te tin

¹³ Dí ko-biə-ba, ku na yi nɔɔna balu na tɪgɪ tin, dí lagɪ si á lwarɪ cɪga mu si á daa yi taá bwɛa, si á wu daa yi cɔgɪ tɔvɪrɪ ŋwaant, ni balu na yəri WE tin na ba jɪgɪ tɪna te tin. ¹⁴ Dɪbam sɛ ni Zezi tɪgɪ mu, yi o laan joori

o bi o yagɪ tʊʊnɪ. Kuntʊ ɲwaaɪ, kʊ na yɪ balʊ na sɛ-o yɪ ba tɪ tɪn, dɪ ye nɪ Wɛ wʊ pa ba taa wʊ Zezi tee nɪ.

¹⁵ Bɛɲwaaɪ dɪ na brɪ abam kʊlʊ tɪn yɪ dɪ Yuutu wʊm kwərə mʊ. Dɛ dɪm dɪ Yuutu Zezi na wʊ joori o ba tɪn, dɪbam balʊ na daartɪ lʊgʊ baɲa nɪ yɪ dɪ ta ɲwɪ tɪn bá loori balʊ na maɲɪ ba tɪ tɪn Wɛ tee nɪ. ¹⁶ Dɪ wʊ ba dɪ ni kwərə na bagɪ wɛyuu nɪ, dɪ malɛstɪ pɛ wʊm kwərə, dɪdaantɪ Wɛ nabɔn-zɔɲɔ kʊm wʊm, yɪ dɪ Yuutu wʊm tɪtɪ zɪgɪ wɛyuu nɪ o tu. Balʊ na sɛ Zezi Krisi yɪ ba tɪ tɪn wʊ da yigə ba bi ba yagɪ tʊʊnɪ. ¹⁷ Wɛ laan wʊ pa dɪbam balʊ na daartɪ yɪ dɪ daa ta ɲwɪ tɪn la daantɪ dɪ bantʊ, yɪ Dɪ zəɲɪ dɪbam kunkwənu wʊnɪ sɪ dɪ vu dɪ jeeri dɪ Yuutu wʊm wɛyuu nɪ. Kuntʊ, dɪ wʊ ta wʊ dɪ Yuutu wʊm tee nɪ maɲa maama.

¹⁸ Kuntʊ ɲwaaɪ, á taá maɪ cɪga kam kuntʊ á kwe daantɪ, sɪ á bɪcara taa tigi jəgə dɪdʊa.

5

Dɪ na wʊ ta cʊ dɪ tɪtɪ te sɪ dɪ Yuutu wʊm laan joori o ba tɪn

¹ Dɪ ko-biə-ba, abam daa ba taá lagɪ sɪ dɪ pʊpʊnɪ dɪ ta dɪ brɪ abam maɲa kalʊ wəənu tɪntʊ na wʊ kɪ tɪn.

² Bɛɲwaaɪ abam tɪtɪ maɲɪ á ye lanyɪrɪntɪ nɪ dɪ Yuutu wʊm dɛ dɪm lagɪ dɪ ba dɪ dartɪ nɔɔna mʊ, nɪ ɲwɪlɪnʊ na yəni o ba tɪtɪ nɪ te tɪn. ³ Maɲa kalʊ nɔɔna na tɛ ba wɪ yazurə wʊra yɪ ywəəni wʊra tɪn, kantʊ maɲa kam nɪ mʊ cam wʊ da dɪ ba ba baɲa, yɪ ba bá lu. Kʊbʊ ta nyɪ dɪ kaantɪ pugə na dɛ ka vri yɪ ka wɔɛ te tɪn mʊ.

⁴ Dɪ ko-biə-ba, abam nan daa təri lim wʊnɪ. Kuntʊ ɲwaaɪ dɪ Yuutu wʊm dɛ dɪm bá ba dɪ dartɪ abam nɪ ɲwɪlɪnʊ te. ⁵ Abam maama wʊ Wɛ pooni wʊnɪ mʊ, yɪ á tɪtʊɲa maama kɪ wɪa nɪ jaja. Dɪbam daɪ tɪtɪ nɔɔna, dɪ

títvɲa dɪ nan dat lim títvɲa. ⁶ Kuntv ɲwaant, dí yɪ pa dɔɔm taa jɪgt dɪbam nɪ balv na yəri Wɛ tɪn. Pa-na dí fɔgt dí cɪ dí tɪtɪ sɪ dí yɪə waart. ⁷ Tɪtɪ nɪ mɪ nɔɔna yəni ba dɔa, yɪ badonnə nyɔ ba bugə. ⁸ Dɪbam nan yɪ wɪa nɔɔna mɪ. Kɪ marɪ sɪ dí taá cv dí tɪtɪ. Pa-na dí taá jɪgt wɪ-dɪdɪba dɪ Zezi, sɪ dí taá soe daant. Kuntv mɪ wú cɪ dɪbam lwarɪm wɔnt, nɪ nɔɔnv na maa ve jara yɪ o kwe luguru gɔrɔ o lɛ o ma cɪ o nyɔɔntɪ te tɪn. Pa-na dí taá jɪgt tɪtɪna nɪ Wɛ wú vrɪ dɪbam ɲwɪa, nɪnɛɛnt nɔɔnv na kwe luguru yu-kwəli o pu sɪ o ma kwəli o yuu jara wɔnt te tɪn. ⁹ Wɛ na kuri dɪbam sɪ dí taá yɪ Dɪ nɔɔna tɪn, kɪ dat sɪ Dɪ ban-zɔɲɔ kɪm ba kɪ cɔgt dɪbam. Kɪ nan yɪ sɪ Dɪ vrɪ dɪbam ɲwɪa mɪ dí Yuutu Zezi Krisi ɲwaant. ¹⁰ Wɔntv mɪ tɪgt dɪbam ɲwaant, sɪ dí want dí tɔgt dɪd-o dí na ɲwɪa Wɛ tee nɪ. O na joori o ba, yɪ dí na ɲwɪ naa dí na tɪga, dí ta wú na ɲwɪa dɪd-o Wɛ tee nɪ.

¹¹ Kuntv ɲwaant, á taá kwe daant sɪ kɪ pa á bɪcara taa tigi jəgə dɪdɪba, sɪ á fɔgt á zəni daant dɪ baart nɪ á na marɪ á kɪ te tɪn.

¹² Dí ko-biə-ba, dí nan loori abam sɪ á taá nɪgt nɔɔna balv na tɔɲɪ dɪ abam yɪ ba nii abam baɲa nɪ yɪ ba kwe abam dí Yuutu Zezi cwəɲə kam wɔnt tɪn. ¹³ Á taá zuli-ba lanyɪrant dɪ sono ba títvɲa yam ɲwaant. Á pa ywəəni ta wɪ á tɪtart nɪ.

¹⁴ Dí ko-biə-ba, dí loori abam sɪ á taá kaant yawɔrɪ-nyɪna, sɪ á pa balv na kwart fɔvnt tɪn na baart, sɪ á taá zəni nabwəna, sɪ á taá jɪgt wɪ-zuru dɪ nɔɔna maama.

¹⁵ Á taá yɪrɪ á tɪtɪ, sɪ nɔɔn-nɔɔnv yɪ ma lwarɪm o joori o ma o ɲwɪ o donɲ lwarɪm.

Maŋa maama sɪ á kwaantɪ á taá kɪ lanyɪrɪntɪ dɪ á ko-biə
dɪ nɔɔna maama.

¹⁶ Á taá jɪgɪ wɔpɔlo maŋa maama.

¹⁷ Á taá loori Wɛ maŋa maama.

¹⁸ Kɪlɔ maama na kɪa,
sɪ á taá kɪ Wɛ le.

Mɔ Wɛ na lagɪ sɪ á taá kɪ te,
á na ŋwɪ dɪ Zezi Krisi tɪn ŋwaantɪ.

¹⁹ Yɪ cɔ-na Wɛ Joro kɔm tɪtɔŋa.

²⁰ Wɛ Joro kɔm na pɛ nɔɔnɔ ŋɔɔntɪ yiyiu-ŋwɛ,
á yɪ zaŋɪ á gooni-sɪ.

²¹ Á nan maantɪ-na woŋo maama á nii.

Kɪlɔ na lana tɪn sɪ á sɛ-kɔ.

²² Á nan fɔgɪ á cɪ á tɪtɪ dɪ wo-balwaarɔ dwi maama.

²³ Baŋa-Wɛ dɪlɔ na paɪ nɔɔna wɔ-zuru tɪn wú pa á
taá yɪ Dɪ tɪtɪ nɔɔna, sɪ á taá jɪgɪ wɔ-poŋo fastɪ, sɪ á ŋwɪa
maama taa jɪgɪ cɪga, kɔ na yɪ á yɪra dɪ á jwəru dɪ á
wɔbɔŋa maama. Kɔntɔ tɪn, dɪ Yuutu Zezi Krisi na tuə, á
bá ta jɪgɪ digiru Wɛ yigə nɪ dɪ funfɪtɪn dɪ. ²⁴ Wɛ dɪlɔ na
bəŋi abam sɪ á taá yɪ Dɪ nɔɔna tɪn yɪ cɪga tu mɔ. Dɪ nan
wú sɪtɪn Dɪ zəni abam kɔntɔ mɔ.

²⁵ Dɪ ko-biə-ba, á taá loori Wɛ á pa dɪbam dɪ.

²⁶ Jɔɔntɪ-na dɪ ko-biə bam maama lanyɪrɪntɪ dɪ sono.

²⁷ A nan lagɪ a loori abam dɪ Yuutu wɔm yɪrɪ ŋwaantɪ
sɪ á karɪmɪ tɔnɔ kɔntɔ á brɪ dɪ ko-biə bam maama.

²⁸ Dɪ Yuutu Zezi Krisi wú pa abam yu-yoŋo.

WƐ TƆNƆ dɪ kasɪm

Kasem (Kassem): WƐ TƆNƆ dɪ kasɪm New Testament

copyright © 1997 Wycliffe Bible Translators, Inc.

Language: (Kasem)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 14 Jun 2022 from source files dated 25 May 2022

993cfae5-b100-5981-87e7-5a648d773cb9